




ЗОО
ПАРКЫН


КывБуръясыс
Геннадий
Юшковлөн
СерпАсьясыс
Вячеслав
Кокоревлөн



КОМИ
КНИЖНОЙ
ИЗДАТЕЛЬСТВО
СЫКТЫВКАР
1969





Уна пӧлӧс ловъя лов
Зоопаркын олӧ.
Найӧс видлытӧг ог ов,
Кадысь кадӧ вола.



Наньлөн кодь дзиқ юрыс,
Сьылі вылас бурысь.
Клетка пөлөн шөйтө,
Бөжнас асьсө нөйтө.
Төдны абу сьөкыд зэв:
Тайө — лев.


Вомыс пач вомысь на паськыд,—
Унджык сёян сылы дасьты.
Госсялёма — о́два вөрö.
Мышку вылас дасөн төран.
Сэтшөм кыз — мед оз жö пот.
Тайö — **бегемот.**






Дурö, некор весь оз ов,
Сёрйöд чеччалö, оз пов.
Весиг увланы юрöн öшъяс,
Сöмын кутчысьöма бöжнас,
Векуштчылас тэныд паныд.
Тайö — обезьяна.

Бытьё, ыджыдӧс да шаньӧс,
Кутӧмаӧсь кыськӧ каньӧс.
Пӧт, оз вильӧд пунктӧм лысӧ.
Лапаясыс пескысь кызӧсь.
Оштӧ бара вермас дзик.
Тайӧ — **тигр**.






Турунвиж и сьёдов рёма,
Лампа улё сюркмунёма:
Сылы сэтён помся гожём.
Кывсё мыччылас да — вожа.
Ачыс кызджык тэнад сойысь.
Синнас веськыда дзик сёйё.
Бур, мый куйлө стөклө сайын.
Змей-питон.
Вот коді тайё.

Кынём улас йөртөд ичөт,—
Муса писө сэтөн видзө.
Чеччалөмөн ветлө-мунө:
Лыбөдчылас, сэсся сунө.
Өддзөдчас кө, он и су.
Тайө — **кенгуру**.




Лөз, и гөрд, и зарни рөма,—
Став лэбачсьыс мича гөна.
Ыджд бөжсө паськөдас кө,
Он и аддзы сэки асьсө.
Тэлань оз и чөвтлы син!
Мыйся лэбач нө?

Павлин.




Аддзан төдлүтөг кө, повзян:
Быттьо мойдысь гундыр ловзьом.
Вомыс ыджыд, божыс пиня,
Синмыс вирдало, оз инась.
Куйло — гашкө, кык сыв кузя.
Кронодилон шусьо.







Еджыд, сьылҕыс ээв кузь,
Ылісянныс быттьо юсь.
Локтан — аддзан: ыджыд ныра,
Нырас мешок сёян тыра.
Юсьяскөд жө олө тан.
Тайө — **пеликан.**



Оз во пикö, гоз-мöд войтö
Вермас узьны ньöти сөйтöг.
Мышку вылас, быттьö нöб,
Госөн тырём ыджыд гөрб.
Дузъев, сьöласьны зэв лют.
Татшöм пемöсыс — **верблюд.**

Мос моз сийос он на домав,
Коть эськө и турун вокас,—
Дозмодан кө, лөгөн тырас.
Оти сюр, дай сийо нырас.
Видзөднысö рам, но лёк.
Тайо — носорог.






Аддзан — шемös босьтö морттö
Лэбач рöдысь жö, а бордтöм.
Ачыс таысь, дерт, оз шогав:
Перыдлуныс сылөн кокас.
Ылödз котöртас, оз жаяв.
Страус тайö.





Вөв кодь дзик, коть кут да сөв,
Сөмын абу сійө вөв.
Ичөтджык и тешкодь рөма:
Бытьё кодкө визыйөдлөма.
Весиг нырас визьяс эмось.
Тайө — **зебра**, тэрыб пемөс.



Гидысь джуджыд, ньөжйö вөрö.
Оланінас муртса төрö.
Нырыс нюжалö зэв кузя,—
И оз ныр, а хобот шусьö.
Рöмыс рудов куыслөн.
Тайö — слён.

Йирсыны зэв сьӧкыд сылы,
Кӧть и зэв кузь сылӧн сьылі:
Водз кокъясыс торкалӧны —
Быттӧ потшъяс нюжалӧны.
Зато ӧктас, мый эм пуад.
Ми **жирэфӧн** сійӧс шуам.






Быттьö ва дорын сьöd мыр,
Сувтöма, оз вөрзьев дыр.
Муртса юрсö доровтыштлас,
Ичöt бордсö паськöдыштлас.
Сэсся бара сувтас дув.
Чайтан, эз-ö нин сэн кув?
Шогсьö ёна сы вöсна,
Мый оз сетны йиа ва.
Муса сылы кöдзыдін.
Код нö татшöмыс?

Пингвин.



Уна пӧлӧс ловъя лов
Зоопаркад олӧ.
Найӧс видлытӧг ог ов.
Вот и тӧ тшӧтш волӧй.





ДЛЯ ДОШКОЛЬНОГО ВОЗРАСТА

Геннадий Анатольевич Юшков
В ЗООПАРКЕ

Стихи

На коми языке

Художник В. С. Кокорев

Редактор В. А. Попов

Художественный редактор М. П. Безносков

Технический редактор А. Н. Вишнева

Корректор Э. С. Грегер


Сдано в набор 26/IV-1968 г. Подписано к печати 4/IX-1968 г. Формат
70×90¹/₁₆. Бум. л. 0,625, печ. л. 1,46. Уч.-изд. л. 2,0. Заказ № 2274.
Тираж 12000. Цена 14 коп.

Коми книжное издательство. Сыктывкар, Дом печати.

г. Сыктывкар. Республиканская типография Управления по печати
при Совете Министров Коми АССР



14 коп.



**КОМИ
КНИЖНОЙ
ИЗДАТЕЛЬСТВО
1969**